


醫說會編



醫說續編卷第十五

崑山周恭輯

損傷門

玉滅癩疵

王莽遺孔休玉休不受莽曰君面有疵美玉可以滅  
癩休猶不受莽曰君嫌其價重乎遂槌碎進休休方  
受之

箭鏃不出

夏侯鄆初爲閩州錄事參軍有人額上有箭痕問之  
云從馬侍中征田悅中射馬侍中與藥立可拔鏃出  
後以生肌膏塗傳之遂無苦因并方獲之云諸瘡亦  
可瘳鄆得方後至洪州逆旅主人患瘡呻吟乃亟以

此藥試之立愈其方以巴荳微熬與蜚螻並研勻塗所傷處斯須痛定必微痒且忍之待極痒不可忍乃撼動箭鏃拔之立出並本草

### 傷損筋骨

一字散治一切打撲傷損筋傷骨折宗子趙叔恭名公寅以善錘鐵著名其父宰嵯縣曰因與族人聚飲超化寺醉酒墜懸崖之下亟視之昏不醒人手臂已折昇歸得此二藥治之遂愈其後運鎚如故叔恭嘗知大寧監云韓希道知府傳用五靈脂別研川烏頭去皮臍生去皮沒藥別研草烏頭去皮地龍乳香各半兩麝香半錢硃砂三分白膠香一兩後四味右為細末每服一字溫酒調下丸如梧桐子大加減自少至多服

之亦可若腰已上損食後服腰已下損食前服覺麻為驗未麻加藥麻甚即減

### 打撲傷損

福州長樂縣一盜囚被笞捶身無全膚以情告獄吏求買胡孫薑爛研取汁以酒煎或調服留滓以傳瘡不數日平復如故

### 接骨散

濠梁靈泉清隱寺僧傳治打撲傷損用半兩古文錢不拘多少以鐵線貫之用鐵匣盛以炭火煨通紅盪盛好酒米醋各半升鐵鈴開匣取古文錢於酒醋中淬再煨再淬候蘇落盡如酒醋少再添候古文錢淬盡澄去酒醋以溫水淘洗如此三次淘洗數多尤妙

火毒不盡令人患啞既淨焙乾研極細入乳香沒藥水蛭等分同爲細末每服半字或一字生薑自然汁先調藥次用溫酒浸平服若不傷折卽時嘔出若損折則藥徑下纏繳如金絲如弓上之筋神驗初服忌酒三日劉諒縣尉傳王丞相在東府時施一接骨藥云用半兩錢極有效驗恐卽是此方也 治打撲損腫痛不止用生薑自然汁米醋牛皮膠同熬溶入馬屁勃末不以多少攪勻如膏藥以紙花攤傳腫處痛卽止以多傳爲妙紹興倅廳二胥吏用之得效並百乙方

### 杖瘡可吐

戴人出游道經故息城見一男子被杖瘡痛熾毒氣入裏驚涎堵塞牙禁不開粥藥不下前後月餘百治

無功甘分於死戴人先以三聖散吐驚涎約半大缶復煎通聖散數錢熱服之更以酸辣葱醋湯發其汗斯須汗吐交出其人活矣此法可以救寃人

### 杖瘡飲水

小渠袁三因強寇入家傷其兩肘外廉作瘡數年不已膿汁常涓涓然但飲冷則瘡間冷水浸淫而出延爲濕瘡求治戴人曰爾中焦當有綠水二三升涎數掬素曰何也戴人曰當被盜時感驚氣入腹驚則膽傷足少陽經也兼兩外廉皆少陽之部此膽之甲木受邪甲木色青當有綠水少陽在中焦如漚既伏驚涎在中焦飲冷水咽爲驚涎所阻水隨經而旁入瘡中故飲水則瘡中水出乃上湧寒痰汗如流水次下

綠水果二三升一夕而痲乾真可怪也

並儒門事親

### 取箭鏃

淮西總管趙領衛名癘殿巖密之子云取箭鏃法仇防禦方張循王屢求不得因奏知德壽宣取以賜之有奇效以天水牛一箇獨角者尤緊以小瓶盛之用礪砂一錢細研水少許化開浸天水牛自然成水右以藥水滴箭鏃處當自出也

### 刀刃傷

凡刀刃傷用石灰不以多少端午日午時取百草搗汁濾過和作餅子入韭菜汁尤妙陰乾遇有傷卽以末摻之如腸胃出桑白皮縫罨之帛繫吳內翰父少保守南雄州有刀傷人腸潰者以此藥治之全二人

之命一方只用韭汁和石灰端午日合又治刀刃傷用五倍子爲末乾貼神效亦名小血竭

並是齋方

### 蜜人治傷折

回回田地有年七八十歲老人自願捨身濟衆者絕不飲食惟澡身啖蜜經月便溺皆蜜旣死國人殮以石棺仍滿用蜜浸鐫誌歲月于棺蓋瘞之俟百年後啓封則蜜劑也凡人損折肢體食少許立愈雖彼中亦不多得俗曰蜜人番言木乃伊

### 割勢

杭州赤山之陰曰筍箕泉黃大癡所嘗結廬處其徒弟沈生狎近側一女道姑同門有欲白之於師沈懼引厨刀自割其勢幾死衆救得活而瘡口流血經月

餘不合偶問諸闍奴教以燉所割勢搗粉酒服如其  
言不數日而瘡並輟耕錄

### 按摩刀痕

閩萬夫長陳君臨陣為刀砒其面瘡已愈而疔與鼻  
不能合甚惡時時仰泣曰吾面無完膚生何以見妻  
子死何以見父母乎乃拜項彥章求治彥章命壯士  
按其面膚肉盡熱腐施之以法即面赤如頰盤左右  
賀曰復故也九靈山房集

### 落馬腰疼

丹溪曰徐質夫年六十因墜馬腰疼不可忍六脈散  
大重取則弦小而長稍堅予以為有惡血未可驅逐  
且以補復為先遂以蘇木湯煎人參當歸川芎陳皮

甘草服之半月後脈之散大漸斂飲食漸進遂以前  
藥調下自然銅等藥一旦而安醫案

### 跌後腹疼

一中年人中脘作痛食已乃吐面紫霜色兩關脈澀  
濡乃血病也因跌仆後中脘即痛投以生新推陳血  
劑吐出血片碗許而愈心法

### 擗穿舌心

自行被擗穿斷舌心血出不止以米醋用雞翎刷所  
斷處其血即止仍用真蒲黃杏仁去皮尖鵬砂少許研  
為細末煉蜜調藥稀稠得所噙化而安得效方

### 手脚出白

凡跌折脚手各有六出白四折骨每手有三處出白

脚亦有三處出白

十不治證

擗撲傷損或被傷入於肺者縱未即死二七難過  
左脇下傷透內者 腸傷斷一半可醫全斷不可治  
小腹下傷內者 證候繁多者 脉不實重者  
老人左股壓碎者 傷破陰子者 血出盡者 肩  
內耳後傷透於內者皆不必用藥

麻藥

治損傷骨節不歸窠者用草烏散麻之然後用手整  
頓藥用猪牙皂角木鱉子紫金皮白芷半夏烏藥川  
芎杜當歸川烏各五兩船上茴香坐拏酒煎熟草烏各一兩  
木香三錢傷重刺痛手近不得者更加坐拏草烏各五錢

及曼陀羅花錢五入藥右並無煨製為末諸骨碎骨折  
出白者每服二錢好紅酒調下麻到不識痛處或用  
刀割開或用剪去骨鋒者以手整頓骨節歸元端正  
用夾夾定然後醫治或箭鏃入骨不出亦可用此麻  
之或用鐵鈐拽出或用鑿鑿開取出後用鹽湯或鹽  
水與服立醒見上坐拏草生江西及  
滁州善治傷損具本草

騾跑咬傷

晉州吳權府佃客五月間收麥用騾車搬載一小廝  
引頭被一騾跑倒又咬破三兩處痛楚不可忍五七  
日膿水臭惡難近又兼蛆蠅極盛藥莫能救無如之  
何臥於大門外車房中一化飯道人見之云我有一  
方用之多效我傳與汝修合服之蛆皆化為水而出

繩亦不敢近右以寒水石為末傳之旬日良愈以為神故錄之方名蟬花散寶鑑

破傷風兼治大傷

治破傷風及金刃傷打撲傷損方名玉真散本事必用兩方皆有但人不知張叔潛知府云此方極奇居官不可闕是齋宰清流日以授直廳醫救欲死者數人奇甚用天南星防風二味等分為末破傷風以藥敷貼瘡口然後以溫酒調下一錢如牙關緊急角弓反張用藥二錢童子小便調下或因鬪毆相打內有傷損以藥二錢溫酒調下打傷至死但心頭微溫以童子小便灌下二錢併進三服天南星為防風所製服之不麻是齋方

按衛生寶鑑以此方兼治狂犬所傷并諸犬咬神效

犬傷脛腫

麻先生兄村行為犬所齧昇至家脛腫如罐堅如鐵石毒氣入裏嘔不下食頭痛而重往問戴人女僮曰痛隨利減以檳榔丸下之見兩行不差適戴人自舞陽回謂麻曰脛腫如此足之三陰三陽可行乎麻曰俱不可行曰如是何不大下之乃命臨臥服舟車丸百五十粒通經散三四錢比至夜半去十四行腫立消作胡桃紋反細於不傷之脛戴人曰慎勿貼膏紙當令毒氣出流膿血水常行又一日戴人恐毒氣未盡又服舟車丸百餘粒濬川散三四錢見六行病人



曰十四行易當六行反難何也戴人曰病盛則勝藥  
病衰則不勝其藥也六日其膿水盡戴人曰膿水行  
時不畏風盡後畏風也乃以愈風餅子日三服之又  
二日方與生肌散一傳之而成痂嗚呼用藥有多寡  
便差別相懸向使不見戴人則利滅之言非也以此  
知醫已難用醫尤難也

儒門  
事親

### 足骨出

南臺椽梁彥思使閩而足不能履醫以風論或以脚  
氣治經年不瘳項彥章診之六脉僅微數而他無所  
病卽探患處乃骨出不入肯綮耳施以按摩卽愈

### 足掌反出

南臺治書迭里迷失公足失履而傷腕骨掌反於後

者六閱月矣衆醫不能治公知抱一翁精按摩曰幸  
余治也翁令壯士更相摩從辰至申而筋肉盡腐遂  
引其掌以揉之覺噦噦然有聲藥以兩月其足如常

時並九靈  
山房集

### 蜂螫

於地上尋小竹或木棒兒正南北安頓者取在手就  
地寫十字先從南畫至北次從東畫至西然後於十  
字中心搯一捻土傳在痛處立止屢曾用之殆不可  
曉須至誠乃驗

### 毒蛇咬

先以麻繩扎傷處二頭次用香白芷細末摻之以多  
爲妙仍以新汲水調下半兩許毒氣自消一方用熱

酒調下諸方皆用麥門冬水蓋欲先護心氣也

諸虫咬

用艾灸咬處五壯或七壯其痛立止神妙

又

蘇韜光寓婺女城外魁星館有人書一方於壁間曰此方神妙與前香白芷方併書之韜光屢以救人皆驗其方用貝母為末酒調令病者盡量飲之飲不得即止頃之酒自傷處為水流出水盡為度却以貝母塞瘡口即愈雖傷已死但有微氣可以下藥者即活神效不可言

蜈蚣傷

搥六紙燈一箇濃蘸麻油點着了於咬處照燬之毒

氣自出盡入油烟中也又方以右手大指中指托地上於中指盡處搯少土傳之勿令患者知此亦厭勝法耳並集成

壁鏡咬

桑柴灰汁熬三度沸取汁調白礬末為膏瘡口即瘥

兼治蛇毒酉陽雜俎

中蚯蚓

昔人有病腹大夜聞蚯蚓鳴于身有人教用鹽水浸之而愈 崇寧末年隴西兵士暑月中在倅廳前跣立廳下為蚯蚓所中遂不救後數日又有人被其毒博識者教以先飲鹽湯一盃次以鹽湯浸足乃愈今人入藥當去土了微灸若治腎臟風下疝病不可闕

也仍須鹽湯送下

衍義

### 蜘蛛咬

譚氏方治蜘蛛咬遍身瘡子以葱一枝去尖頭作孔將蚯蚓入葱葉中緊捏兩頭勿泄氣頻搖動即化為水點咬處差

草本

### 蠷螋尿疾

孫真人以武德中六月得蠷螋尿疾經五六日覺心悶不佳以他法治不愈又有人教畫地作蠷螋形以刀子細細盡取蠷螋腹中土就以唾和成泥塗之再塗即愈方知天下萬物相感莫曉其由矣

千金方

### 竹木刺

富次律云治竹木刺出聖惠方曾用救一庄僕極妙

其人有一腳心刺痛楚頻死黃昏傳藥痛尤甚至四更視之刺已出遂安用烏羊糞爛搗水和罨傷處厚傳之為佳

### 紫雪治湯盪火燒

凡湯盪火燒痛不可忍或潰爛成惡瘡用松樹皮剝下陰乾為細末入輕粉少許生油調稀傳如傳不住紗絹帛縛定即生痂神效不可言然宜預先合下以備急自剝落而薄者尤妙李莫安撫方用牛皮膠入少湯於火上溶稠狗毛剪碎以膠和毛攤軟帛封之直至痂脫不痛吳內翰家婢夜炊米釜翻傷腿膝以夜不敢白比曉已潰爛用此治之而愈

並百乙方

### 奇病門

肌肉坼裂

滑伯仁在儀真時聞友人王德全言江西有醫士黃子厚為術精詣其治往往出人意外表有富家子年十七八病遍體肌肉坼裂召子厚治子厚借門生四五輩往診視各以所見陳論皆未當子厚乃屏人詰病者曰童幼曾近女色犯天真乎曰當十三四曾近之矣子厚曰得其說矣褚澄云精未通而御女則四體有不滿之處後日有難狀之疾在法為不可療後果惡汁淋漓痛楚而死

白雲集

產子無皮

有舟人生子身全無皮人莫能曉適吳門葛可久出醫眾告之可久就岸畔令作一坎置兒其中以細土

隔衾覆之且勿動久之可久回啓衾視之已生膚矣蓋其母懷娠舟中久不登岸失受土氣故也

按危氏得效方云宜速用白早米粉乾撲候生皮方止

產子舌不收

一婦人因產子舌不能收周子固以硃砂傳其舌仍命作產子狀以兩女子掖之乃於壁外潛累盆盎置危處墮地以作聲聲聞而舌收矣

九靈山房集

落馬舌出

元順帝之長公主之附馬剛哈刺咱慶王因墜馬得一奇疾兩眼黑睛俱無而舌出至曾諸醫罔知所指廣惠司卿聶只兒乃也里可溫人也嘗識此證遂剪

去之頃間復生一舌亦剪之又於真舌兩側各去一指許却塗以藥而愈時元統癸酉也廣惠司者回回之為醫者隸焉

### 割額取蟹

任子昭云向寓都下時鄰家兒患頭疼不可忍有回回醫官用刀割開額上取一小蟹堅硬如石尚能活動頃焉方死疼亦隨止當求得蟹至今藏之並輒耕錄

### 四肢堅硬有聲

寒熱不止經日後四肢堅如石以物擊之一似鍾聲聲日漸瘦惡用茱萸木香等分煎湯飲即愈

### 截腸病

大腸頭出寸餘痛苦直俟乾自退落又出名為截腸

病若腸盡乃不治但初覺截寸餘可治用芝麻油器盛之以醫坐之飲大麻子數升愈

### 口鼻流水出鰕魚

口鼻中腥臭水流以椀盛之有鐵色鰕魚如粳米大走躍不住以手捉之即化為水此肉壞矣任意饌食雞肉愈

### 婦人小便出糞

婦人小便中出大糞名交腸服五苓散效如未盡愈可用舊幘頭燒灰酒服之

### 筋解

四肢節脫但有皮連不能舉動名曰筋解用酒浸黃蘆三兩經一宿取出焙乾為末每服二錢酒調下服

盡安

精流無歇

玉莖硬不痿精流無歇時時如鍼狀捏之則脆乃為腎滿漏疾用韭子破故紙各一兩為末每服三錢水一盞煎至六分每日三次飲之愈則住服

腹中如鐵石

腹中如鐵石臍中水出旋變作虫行狀遶身嘔啄痒痛難忍撥掃不盡用濃煎蒼朮湯浴之以蒼朮末入麝香少許水調服痊

眼前常見禽虫飛

眼前常見諸般禽虫飛走以手捉之則無乃肝膽經為疾用酸棗仁羌活玄明粉青箱子花各一兩為末

每服二錢水一大盞煎至七分和滓飲一日三服

大腸虫出不斷

大腸虫出不斷斷之復生行坐不得用鶴虱末水調五錢服之自愈

眼睛垂出至鼻

眼睛垂出至鼻如黑角色痛不可忍或時時大便血出其名曰肝脹用羌活煎汁服數盞自愈

飲油疾

有飲油五升以來方始快意長得喫則安不爾則病此是髮入胃被氣血裹化為虫用雄黃半兩為末水調服虫自出如虫活者置於油中逡巡間連油潑之  
長江

失說物望病

治臥於牀四肢不能動只進得食好大言說喫物謂之失說物望病治法如說食猪肉時便云你喫猪肉一頓病者聞之卽喜遂置肉令病人見臨要却不與喫此乃失他物望也當自睡中涎出便愈

十指節虫出

手十指節斷壞唯有筋連無節肉虫出如燈心長數尺餘遍身綠毛捲名曰血餘以茯苓胡黃連煎服愈

皮底如波浪聲

遍身忽皮底混混如波浪聲痒不可忍抓之血出不能解謂之氣奔以人參苦杖青鹽細辛各一兩作一服水二椀煎十數沸去滓飲盡便愈

毛髮直如鐵條

眼白渾黑見物依舊毛髮直如鐵條雖能飲食不語如醉名曰血潰用五靈脂爲末二錢酒調下

灸瘡飛肉

因着艾灸訖火痴便退落瘡內鮮肉片子飛如蝶形狀騰空去了痛不可忍是血肉俱熱用大黃朴硝各二兩爲末水調下微利卽愈

渾身虱出

臨臥渾身虱出約至五升隨至血肉俱壞每宿漸多痒痛不可言狀唯喫水臥牀晝夜號哭舌尖出血不止身齒俱黑唇動鼻開但飲鹽醋湯十數碗卽安

眼赤鼻張

眼赤鼻張大喘渾身出斑毛髮如銅鐵乃胃中熱毒  
氣結於下焦用白礬滑石各一兩為末作一服水三  
椀煎至椀半令不住飲候盡乃安

虫行皮下如蟹走兒啼

有虫如蟹走於皮下作聲如小兒啼為筋肉之化用  
雷丸雄黃各一兩為末摻在猪肉片上炙熟喫盡自  
安

手足甲倒生肉刺

手足甲忽然長倒生肉刺如錐痛不可忍喫葵菜自  
愈

鼻中毛出如繩

鼻中毛出晝夜可長一二尺漸漸麤圓如繩痛不可

忍雖忍痛摘一莖卽後更生此因食猪羊血過多用  
乳香礪砂各一兩為末以飯圓梧桐子大空心臨臥  
各一服水下十粒自然退落

瘡生光彩

面上及遍身生瘡似貓兒眼有光彩無膿血但痛痒  
不常飲食減少久則透脛名曰寒瘡多喫魚雞韭葱  
自愈

脇破腸出

脇破腸出臭穢急以香油摸腸用手送入煎人參枸  
杞湯淋之皮自合矣喫羊腎粥十日卽愈

口鼻氣出如黑蓋

口鼻中氣出盤旋不散凝如黑蓋色過十日漸漸至



肩胛與肉相連堅勝金石鐵無由飲食此多因瘧疾  
得之前煎澤瀉湯日飲三盞連服五日愈

遍身肉出如錐

遍身忽然肉出如錐既痒且痛不能飲食此名血擁  
若不速治潰而膿出以赤皮葱燒灰淋洗喫豈豉湯  
數盞自安

眉毛搖動

眉毛搖動目不能視交睫喚之不應但能飲食有經  
月不效者用蒜三兩取汁酒調下卽愈

毛竅出血

毛竅節次血出若血不出皮脹膨如鼓須臾眼鼻口  
被氣脹合此名脉溢飲生薑水汁各一二盞卽安

口生肉毬

口内生肉毬臭惡自己惡見有根線長五寸餘如叙  
股吐毬出候飲食了却吞其線以手輕捏痛徹於心  
困不可言用水調生麝香一錢服三日驗

渾身生泡出石片

渾身生燎泡如甘棠梨每箇破出水內有石一片如  
指甲大泡復生抽盡肌肉不可治急用京三稜蓬莪  
朮各五兩爲末分三服酒調連進愈

頭面發熱有光色

頭面發熱有光色他人手近之如火用蒜汁半兩酒  
調下吐如蛇狀遂安

離魂病

人自覺自形作兩人並臥不別真假不語問亦無對  
乃是離魂用辰砂人參茯苓濃煎湯服之真者氣爽  
假者化也

### 飲酒不醉

有男子自幼喜飲酒至成丁後日飲一二斗不醉片  
時無酒叫呼不絕全不進食日就羸弱其父用手巾  
縛住令手足不令動搖但挾少立却取生辣酒一壘  
就其子口邊打開氣衝入口病者必欲取飲堅不可  
與須臾口中忽吐物一塊直下壘中即用紙封裹壘  
口用猛火燒滾約酒乾一半却開視之其一塊如猪  
肝樣約三兩重週迴有小孔如鍼眼不可數計棄之  
於江飲食復舊雖滴酒不能飲矣

### 產後乳垂過腹

婦人產後忽兩乳伸長細小如腸垂下直過小肚痛  
不可忍危亡須臾名曰乳懸將川芎當歸各二觔半  
剉先將一觔半散於瓦石器內用水濃煎不拘時候  
多少溫服餘一觔半剉作大塊用香爐慢火逐旋燒  
烟安在病人面前卓下要烟氣直上不絕令病人低  
頭伏卓上將口鼻及病乳常吸烟氣直候用此一料  
藥盡看病證如何或未全安畧縮減再用一料如前  
法煎服及燒烟重吸必安如用此二料已盡雖兩乳  
畧縮而不復舊用冷水磨草麻子一粒於頭頂心上  
塗片時即洗去則全安矣

### 產後肉線出陰門

婦人臨產服催生藥驚動太早未嘗離經而用力太過以致盲膜有傷產後水道中垂出肉線一條約三四尺長牽引心腹痛不可忍以手微動之則痛苦欲絕先服失笑散數服仍用老薑三斤淨洗不去皮於鉢白內研爛用清油二斤拌勻入鍋內炒熟以油乾焦爲度先用熟絹一段約五尺長摺作方結令穩重婦人輕輕盛起肉線使之屈曲作一團納在水道口却用絹袋兜裹油薑稍溫傅在肉線上熏覺薑漸冷又用熨斗火熨熱使之常有薑氣如薑氣已過除去又用新者如此重熏一日夜其肉線已縮大半再用前法越兩日肉線盡入腹中其病全安却再服失笑散芎歸湯補理切不可使肉線斷作兩截則不可醫

### 肉浮如蛇

身上及頭面肉上浮腫如蛇狀者用雨滴堦磚上苔痕一錢水化開塗蛇頭立消

並危氏得效方

### 雜證門

#### 偶吐愈疾記

正隆間有聖旨取汴梁諸匠氏有木匠趙作頭鐵匠杜作頭行次失路迷至大宅乞宿主人不納曰家中有人重病不敢納君杜作頭給曰此趙公乃汴梁太醫之家今蒙上司見召迷路至此蓋病者當愈而遇此公也主人默然而入良久復出將邀二人入室與之食已主人起請曰煩太醫看病何如趙見而笑曰一藥可愈二人竊議曰來時所携熟藥寄他車上此

中實無奈何杜曰此甚易耳潛出門得牛糞一塊作三十粒下以溫水少頃病人覺胃中如虫行一涌而出狀若小蟻釀一二升以手探之又約一升頓覺病去明日主人出謝曰百歲老人未嘗見此神效之藥也禮餞二人遂歸嗚呼此二子小人也欲苟一時之寢遂以穢物治人亦偶得吐法耳

誤吞銅鐵偶獲瀉愈

子和云余昔過株林見一童子誤吞銅鐵之物成疾而羸足不勝身會六七月淫雨不止無薪作食過饑數日一旦鄰牛死聞作葵羹粳飯病人乘饑頓食之良久泄注如傾覺腸中痛遂下所吞之物余因悟內經中肝苦急急食甘以緩之牛肉大棗葵菜皆甘物也故能寬緩腸胃且腸中久空又遇甘滑之物此銅鐵所以下也亦偶得瀉法耳

五實證

五實者脉盛皮熱腹脹前後不通膈悶也

余向日從軍於江淮上一舟子病余診之乃五實也余自幼讀醫經嘗記此五實之證竟未之遇也既見其人竊私料之此不可以常法治乃大作劑而下之殊不動搖計竭智窮無如之何忽憶桃花萼丸頓下七八十丸連瀉二百餘行與前藥相兼而下其人昏困數日方已蓋大疾已去自然臥懇不如此則病氣無由衰也徐以調和胃氣之藥饘粥日加自爾平復也

五虛證

五虛者脉細皮寒氣少泄利前後飲食不入也

嘗過鳴鹿邱中聞有人呻吟聲息瘦削痿然無力余  
視之乃五虛證也余急以聖散子二服作一服此證  
非三錢二錢可塞也續以胃風湯五苓散等藥各作  
大劑使頓服注瀉方止而漿粥入胃不數日而其人  
起矣故五虛之人不加峻塞不可得而實也彼庸工  
治此二證草草補瀉如一杯水救一車薪之火竟無  
成功也反曰虛者不可補實者不可瀉此何語也吁  
不虛者強補不實者強攻自是庸工不識虛實之罪  
也豈有虛者不可補實者不可瀉之理哉

胸滿吐白虫

沈丘王宰妻病曾膈不利口流涎沫自言咽下胃中  
常雷聲心間時作微痛又復發昏曾乳之間灸癥如

某化痰利膈等藥服之三載病亦依然其家知戴人  
痰藥不損來求之一涌而出雪白虫一條長五六寸  
有鼻口牙齒走於涎中病者忿而斷之中有白髮一  
莖此正與徐文伯所吐宮人髮痕一同虫出立安

二陽病

常仲明病寒熱往來時欬一二聲面黃無力懶思飲  
食夜多寢汗日漸變削作虛損治之用二十四味燒  
肝散鹿茸牛膝補養二年口中痰出下部轉虛戴人  
斷之曰上實也先以涌劑吐痰三二升次以柴胡飲  
子降火益水不月餘復舊此證名何乃內經中二陽  
病也二陽之病發心脾不得隱曲心受之則血不流  
故女子不月脾受之則味不化故男子少精此二證

名異而實同仲明之病味不化也

又

一婦月事不行寒熱往來口乾頰赤喜飲旦暮聞欬  
一二聲諸醫皆云經血不行宜蝨虫水蛭乾漆礪砂  
芫青紅娘子沒藥血竭之類唯戴人不然曰古方中  
雖有此法柰病人服之必臍腹發痛飲食不進乃命  
止藥飲食稍進內經曰二陽之病發心脾心受之則  
血不流故女子不月既心受積熱宜抑火升水流濕  
潤燥開胃誘食乃涌出痰一二升下泄水五五行濕  
水上下皆去血氣自然湍流月事不爲水濕所隔自  
依期而至矣亦不用蝨虫水蛭之類有毒之藥如用  
之則月經縱來小溲反閉他證生矣凡精血不足當

補之以食大忌有毒之藥備勝而成天閔

又

金丙病韓自行邀櫻寧生往視之脈數而散體寒熱  
咳血痰生曰此二陽病也在法不治當以夏月死至  
立夏果死自行悄然曰櫻寧生能知死必能知人生  
矣乎 龍君澤分院餘姚其室張暑月中病經事沉  
滯身寒熱自汗咳嗽有痰體瘦悴臍腹刺痛招櫻寧  
生至診視脉弦數六至有餘生曰此二陽病也素問  
云二陽之病發心脾女子得之則不月二陽陽明也  
陽明爲金爲燥化今其所以不月者因暑所遭也陽  
明本爲燥金適遭於暑暑火也以火爍金則愈燥矣  
血者水類金爲化源宜月事沉滯不來也他醫方爲

製歸茸桂附丸以溫經而未進生曰夫血得寒則止  
得溫則行得熱則搏搏則燥復加燥劑血益乾則病  
必甚亟令卻之更以當歸柴胡飲子爲之清陽瀉火  
流濕潤燥三五進而經事通餘病悉除龍君曰微生  
幾爲人所誤矣並白雲集

病畏麻木不敢合眼

東垣曰李正臣夫人病診得六脉俱得弦洪緩相合  
按之無力弦在上是風熱下陷入陰中陽道不得其  
證閉目則渾身麻木晝減而夜重覺而開目則麻木  
漸退因懼其麻木不敢合眼致不得眠身體皆重時  
有痰嗽覺胃中常似有痰而不利時煩躁氣短促而  
喘肌膚充盛飲食不減大小便如常惟畏其麻木不

敢合眼爲最苦觀其色脉形病相應而不逆內經曰  
陽盛瞋目而動輕陰盛閉目而靜重又云諸麻皆屬  
於目靈樞經曰開目則陽道行陽氣遍布周身閉目  
則陽道閉而不行如晝夜之分知其陽衰而陰旺也  
且麻木爲風三尺之童皆以爲然細按之則有區別  
耳久坐而起亦有麻木爲如繩縛之人釋之覺麻作  
而不敢動良久則自已以此驗之非有風邪乃氣不  
行也治之當補其肺中之氣則麻木自去矣如經脉  
中陰火乘其陽分火動於中爲麻木也當兼去其陰  
火則愈矣時痰嗽者秋涼在外在上而作也當以溫  
劑實其皮毛身重脉緩者濕氣伏匿而作也時見躁  
作當升陽助氣益血微瀉陰火與濕通行經脉調其

陰陽則已矣非五臟六腑之有邪也因用補氣升陽  
和中湯治之

秘藏

### 陰出乘陽治法

一婦人三十餘歲憂思不已飲食失節脾胃有傷面  
色黧黑不澤環唇尤甚心懸如饑狀饑不欲食氣短  
而促大抵心肺在上行榮衛而光澤於外宜顯而不  
藏腎肝在下養筋骨而強于內當隱而不見脾胃在  
中主傳化精微以灌四傍冲和而不息其氣一傷則  
四臟失所憂思不已氣結而不行飲食不節氣耗而  
不足使陰氣上溢於陽中故黑色見於面又經云脾  
氣通於口其華在唇今水反侮土故黑色見於唇此  
陰陽相反病之逆也上古天真論云陽明脉衰於上

面始焦知陽明之氣不足故用冲和順氣湯以助陽  
明生發之氣以復其色耳早飯後午前服取天氣上  
升之時使人之陽氣易達故也數服而愈內經曰上  
氣不足推而揚之以升麻苦平葛根甘溫自地升天  
通行陽明之氣為君人之氣以天地之疾風名之氣  
留而不行者以辛散之防風辛溫白芷甘辛溫以散  
滯氣用以為臣蒼朮苦辛蠲除陽明經之寒濕白芍  
藥之酸安太陰之經怯弱十劑云補可去弱人參羊  
肉之屬是也人參黃芪甘草甘溫益正氣以為臣至  
真要大論云辛甘發散為陽生薑辛熱大棗甘溫和  
榮衛開腠理致津液以復其陽氣故以為使也

寶鑑

### 病食泥



一女子忽食泥日食河中汗泥三椀許周子固取壁  
間敗泥三椀調飲之遂不嗜泥

九靈山房集

### 大腸痛

有老嫗大腸中常若裏急後重甚苦之自言人必無  
老新婦此奇疾也為按其大腸俞疼甚令歸灸之愈

### 臍痛

予舊苦臍中疼則欲溏瀉常以手中指按之少止或  
正瀉下亦按之則不疼他日灸臍中遂不疼矣後又

嘗溏利不已灸之則止凡臍疼者宜灸神闕

此穴在臍中九

灸先以鹽實之

### 身屈不能行

人有身屈不可行亦有膝上腫疼動不得予為灸陽

陵泉皆愈已救百餘人矣神效無比灸固不可廢藥  
亦不可不服也

### 夢魘

有婦人夜多夢魘蓋因少年侍親疾用心所致也後  
服定志丸遂不常魘

### 背疼

背疼乃作勞所致技藝之人與士女刻苦者多有此  
患色勞者亦病之晉景公是也惟膏肓為要穴予嘗  
於膏肓之側去脊骨四寸半隱隱微疼按之則疼甚  
謾以小艾灸三壯即不疼他日復連肩上疼却灸肩  
疼處愈方知千金方之效是穴猶信云

### 肩疼

兩肩頭冷疼尤不可忽予屢見將中風人臂骨脫白不與肩相連接多有治不愈者要之纔覺肩上冷疼必先灸肩髃等穴毋使至此極可也予中年每遇寒月肩上多冷常以手掌心撫摩之夜臥則多以被擁之僅能不冷後灸肩髃方免此患蓋肩髃係兩手之安否環跳係兩足之安否不可不灸也

資生經

### 肩背胷脇疼痛

丹溪曰一男子忽患背胷縫有一線疼起上跨肩至胷前側脇而止其疼晝夜不歇不可忍診其脉弦而數重取大豁左大於右予意其胷小腸經也胷脇膽經也此必思慮傷心心藏未病而腑先病也故痛從背胷起及慮不能決又歸之膽故痛止胷脇而止乃

小腸火乘膽木子來乘母是為實邪詢之果因謀事不遂而病以人參四錢木通二錢煎湯使下龍薈丸數服愈

醫案

### 鼻痔

治鼈鼻有息肉不聞香臭方出千金富次律曾患此息肉已垂出鼻外用此藥傳之即化為黃水點滴至盡不三四日遂愈後不復作用瓜蒂細辛二味等分為末以綿裹如荳許塞鼻中須臾即通鼻中息肉俗謂之鼻痔千金治此疾方極多當時適以此取效耳

百乙方

### 鼻乾

王執中母氏久病鼻乾有冷氣問諸醫者醫者亦不

曉但云病去自愈既而病去亦不愈也後因灸絕骨而漸愈執中亦嘗患此偶絕骨微疼而着艾鼻乾亦失去初不知是灸絕骨之力後閱千金方有此證始知鼻乾之去因絕骨也若鼻涕多宜灸顙會前頂大人小兒之病初無以異焉資生經

嚏

許知可自停飲食已必嚏服棗膏丸而愈本事方

物入耳中

耳中有物不可出以弓弦從一頭令散傳好膠挂耳中物上停之令相着徐徐引出

因汗入水

因汗入水即成骨痺昔有名醫將入蜀見負薪者猛

汗浴河醫曰此人必死隨而救之其人入店中取大蒜細切熟麩澆之而食汗出如雨醫曰貧下人且知藥况富貴乎遂不入蜀

蘿蔔解烟火熏

居民逃避石室中賊以烟火熏之欲死迷悶中摸索得一束蘿蔔嚼汁下咽而甦又炭烟熏人往往致死含蘿蔔一片著口中烟氣不能毒人或預曝乾為末備用亦可或薪水搗爛乾蘿蔔飲之亦可得效方

肝氣乘肺

有士人病顏面青而光其氣哽哽錢乙曰肝乘肺比逆候也若秋得之可治今春不可治其家祈哀強之與藥明日曰吾藥再瀉肝而不少却三補肺而益虛

又加唇白法當三日死然安穀者過期不安穀者不  
及期今尚能粥五日而絕宋史

### 腋氣

治腋氣大妙盛覺民教授方大田螺一枚水中養之  
俟開以剝淨巴荳一箇先用杖子或鍼劄着纔開卽  
放在內取出拭乾仰頓在盞內夏月一宿冬月五七  
宿卽自然成水取出用捺水絕根本也又用熱蒸餅  
一枚擘作兩片摻蜜陀僧細末一錢許急夾在腋下  
畧睡少時候冷棄之如一腋有病只用一半葉元方  
平生苦此疾來紹興偶得此方用一次遂絕根本

### 解砒毒及諸藥毒

吳內翰備急方云全椒醫高照一子無賴父笞之遂

服砒霜自毒太渴利腹脹欲裂余教照令服此藥以  
水調隨所欲飲與之不數椀卽利而安其方用白扁  
豆曬乾爲細末新汲水調下二三錢七

### 中附子烏頭河豚毒

凡中毒及附子烏頭河豚之類一切藥毒皆可治用  
多年壁土熱湯泡攪之令濁少頃乘熱去腳取飲不  
醒人事者灌之甚妙

### 治菌毒

北夢瑣言有人爲野菌所毒而笑者煎魚樵汁服之  
卽愈或云楓樹菌食之令人多笑

### 治河豚毒

來安縣主簿李紘元度云白塔寨丁未春有二卒一

候兵同食河豚既醉燒子併食之遂皆中毒人急以告巡檢二卒已困殆倉卒無藥用或人之說獨以麻油灌候兵者油既多大吐毒物盡出腹間頓寬以此竟無恙並集

### 解中藥毒

解中藥毒用五倍子二兩重研細用無灰酒溫調服毒在上卽吐在下卽瀉丹溪方

### 喫水銀僵死

一人喫水銀僵死微有喘息肢體如冰聞葛可久治奇疾往候之可久視之曰得白金二百兩可治病家謝以貧故不能重酬可久笑曰欲得白金煮湯治耳已而扣富者乃得之且囑之曰熱浴體時如手足動

當來告我有頃手足引動往告之復謂曰眼動及能起坐悉來告我一如其言乃取川椒二觔置漉桶中坐病人其上久之病脫去其水銀已入椒矣蓋銀湯能動水銀而不滯川椒能來水銀而聚之吁人謂可久之術良惜乎不多傳也酉陽雜俎云椒可以來水銀於此可徵矣

醫說續編卷第十五

醫說續編卷第十六

崑山周恭輯

婦人門 調經

調經用藥法

丹溪曰經候將來作痛者血實也附桃仁香黃連經候過期

而作痛者乃虛中有熱作疼也一本云經候未及期

而作疼氣滯故也過期而作疼者虛而有熱也色淡

者虛也經水不及期血熱也四物湯加黃連經水過期血少

也川芎當歸人參白朮及痰藥經水過期紫黑有塊亦血熱也必

作痛四物湯加香附黃連經水過期淡色者痰多也用二陳湯加川芎當

歸經水紫色成塊者熱甚也四物湯加黃連之類經事過期不

行杜牛膝搗汁大半鍾以玄胡索末一錢香附末枳殼末各半錢調早服臨經之時壯

痛者用抑氣散其方以四物湯加陳皮玄胡索牡丹皮甘草如痛甚者用荳蔻酒

少者童便煑莎草根入膠芩為丸經水黑色口渴倦怠形短色

黑脉不勻似數者炒黃柏黃芩三錢甘草二錢赤芍藥香附各二錢為末作丸服○又

方用伏龍肝六兩百草霜一兩末之糊為丸服痰多占住血海地位因而下

多者目必漸昏肥人如此南星香附川芎蒼木作丸服肥人不及

日數而多者痰多血虛有熱南星白朮蒼木黃連香附川芎末之作丸血

枯經閉者四物湯加桃仁紅花肥人軀脂滿經閉者導痰湯加川芎用黃

連不可用地黃泥隔故也如用生薑汁炒經血逆行或血腥或唾血或吐

血用葦菜汁經水去多不能住龜板金毛狗脊服立散

積痰傷經妄語

一婦人積痰傷經不行夜則譫妄以瓜蒌子錢一黃連

錢一吳茱萸十粒桃仁五箇紅麴末些砂仁三錢山查錢一右末

之以生薑研炊餅丸

經閉身疼

一婦人陰虛經脉久不通小便短澀身體疼痛以四

物湯加蒼朮牛膝陳皮生甘草又用蒼莎丸加蒼耳

酒芍藥為丸煎前藥送下

身熱經斷

一婦人兩月經不行腹痛發熱但行血涼血經行自

愈用四物湯加黃芩紅花桃仁香附玄胡索之類

經閉腹疼

一婦人寡居經事久不行腹滿少食小腹時痛形弱

身熱當歸酒浸熟地黃薑炒香附錢一白芍藥川芎陳皮各七

分黃柏炒知母炒厚朴薑製玄胡索錢半白朮錢二生甘草

半

大腹皮錢各三紅花豆大桃仁九箇右咬咀水煎並治法

經行腹痛

羅安人每遇經行時則臍與小腹下痛不可忍服藥無效陳良甫以桂枝桃仁湯愈自後再發一投而差

大全良方

月閉寒熱

一婦年三十四歲經水不行寒熱往來面色痿黃唇焦頰赤時欬三兩聲向者所服之藥黑神散烏金丸四物湯燒肝散鱉甲散建中湯寧肺散鍼艾百千病轉劇家人意倦不欲求治戴人憫之先涌痰五六升午前涌畢午後食進餘證悉除後三日復輕涌之又去痰一二升食益進不數日又下通經散瀉訖一二

升後數日去死皮數重小者如麩片大者如葦膜不一月經水行神氣大康矣

偶食涼粉通經

一婦人年三十餘歲病經閉不行寒熱往來欬嗽潮熱庸醫禁切無物可食一日當暑出門忽見賣涼粉者以冰水淋飲大為一食頓覺神清骨健數月經水

自下並備門事親

陰為陽搏月事不來

裴澤之夫人病寒熱而月事不至者數年矣已加喘嗽醫者率以蛤蚧桂附等投之東垣曰不然夫人病陰為陽所搏溫劑大過故無益而反害投以涼血和血之劑則經行矣已而果然



臨經腰痛

一婦人年三十歲臨經先腰臍痛甚則腹中亦痛經縮三兩日以柴胡丁香湯治之其方以生地黄二分丁香四分當歸身防風羌活已上各一錢柴胡五分全蝎一分右作一服水二盞煎至一盞去粗食前稍熱服並試效方

經水暴崩

東垣曰丁未仲冬郭大方來說其妻經水暴崩不止先曾損身失血自後一次縮一十日而來今次不止其人心窄性急多驚以予料之必因心氣不足飲食不節得之大方曰無到彼診得掌中寒脉沉細而緩間而沉數九竅微有不利四肢不便上喘氣短促口鼻氣皆不調果有心氣不足脾胃虛弱之證胃脘當

心而痛左脇下縮急有積當臍有動氣腹中鳴下氣大便難虛證極多不能盡錄擬先治其本餘證可以皆去安心定志鎮墜其驚調和脾胃大益元氣補其血脉令養其神以大熱之劑去其冬寒凝在皮膚內少加生地黄去命門相火不令四肢痿弱以黃耆當歸人參湯煎至一大盞於巳午之間食消盡服之一服立止其胃脘痛乃胃上有客寒與大熱藥草豈能丸一十五丸白湯送下其痛立止再與肝之積藥除其積之根源而愈

經血成塊

一婦人經候凝結黑血成塊左廂有血痕水泄不止穀有時不化後血塊暴下并水俱作是前後二陰有

形血脫竭於下既久經候不調水泄日見三兩行食  
罷煩心飲食減少甚至瘦弱東垣老人曰夫聖人治  
病必本四時升降浮沉之理權變之宜必先歲氣無  
伐天和無翼勝無虛虛遺人夭殃無致邪無失正絕  
人長命故仲景云陽盛陰虛下之則愈汗之則死陰  
盛陽虛汗之即愈下之即死大抵聖人立法且如升  
陽或發散之劑是助春夏之陽氣令其上升乃瀉秋  
冬收藏殞殺寒涼之氣此病是也當用此法治之升  
降浮沉之至理也夫天地之氣以升降浮沉乃從四  
時如治病不可逆之故經云順天則昌逆天則亡可  
不畏哉夫人之身亦有天地四時之氣不可止認作  
外人體亦同天地也今經漏不止是前陰之氣血已

下脫矣水泄又數年是後陰之氣血又下陷矣後陰  
者主有形之物也前陰者精氣之門戶俱下竭是病  
人周身之血氣常行秋冬之令陰主殺此等收藏之  
病是也陽生陰長春夏是也在人之身令氣升浮者  
穀氣上行是也既病人周身血氣皆不生長穀氣又  
不升其肌肉消少是兩儀之氣俱將絕矣既下元二  
陰俱脫血氣將竭假令當是熱證今下焦久脫已化  
為寒矣此病久沉久降寒濕大勝當急救之瀉寒以  
熱除濕以燥大升大舉以助生長補養氣血不致偏  
竭聖人立治之法云濕氣大勝以所勝治之助甲風  
木上升是也故經云風勝濕是以所勝平之也當先  
調和胃氣次用白朮之類以燥其濕而滋元氣如其

不止後用風藥以勝濕此便是大舉大升以助春夏  
二濕之久陷下之至治也以益胃升陽湯治之夫血  
脫益氣古聖人之法也先補胃氣以助生發之氣故  
曰陽生陰長諸甘藥爲之先務舉世皆以爲補殊不知  
甘能生血此陽生陰長之理也故先理胃氣人之  
身內穀氣爲寶

秘藏

經如荳汁爲寒搏衝任

童氏婦年三十每經水將來三五日前臍下疔痛如  
刃刺狀寒熱交作下如黑荳汁既而水行因之無姪  
招滑伯仁診之兩尺脉沉澁欲絕餘部皆弦急曰此  
由下焦寒濕邪氣搏於衝任衝爲血海任主胞胎爲  
婦人血室故經事將來邪與血爭作疔痛寒濕生濁

下如荳汁宜治下焦遂以辛散苦溫理血藥爲劑令  
先經期十日服之凡三次而邪去經調是年有孕白雲集

血實脉上魚際

許學士云一尼患惡風體倦乍寒乍熱面赤心怔忡  
或時自汗是時疫氣大行醫見其寒熱作傷寒治之  
用大小柴胡湯雜進數日病急召予治之診視之曰  
三部無寒邪脉但厥陰弦長而上魚際宜服抑陰等  
藥治之故予製生地黄丸治之

血崩

有皮匠妻患血崩兩月飲食不進與鎮靈丹服少減  
而未斷因檢得耆域方如聖散用櫻櫚烏梅乾薑各

一兩並燒存五分性為末每服二錢食前烏梅湯調下合一劑與服而疾平患甚者不過三服資生經有巡鋪之妻年踰五十因傷寒而血崩與膠艾四物湯一服漸愈後因勞復大作與鎮靈丹十五丸而止或無此丹燒鹿角存性為末酒調服亦佳屢驗上見

又

僕嘗療一婦人崩漏暴下諸醫投薑附桂等藥服之愈甚召余診之六脉緊數遂用金華散兼局方龍腦雞蘇丸數服即安本事方單用黃芩者亦此意也一親戚婦人年四十五經年病崩漏不止面黃肌瘦髮黃枯槁語言聲嘶服諸藥無效召僕診之六脉微濡問之服何藥云凡是當歸川芎瀝血諸品丹藥服之

皆不作效僕遂合博濟方伏龍肝散兼白礬丸服之愈並良方

又

孟官人母年五十餘血崩一載僉用澤蘭丸黑神散保安丸白薇散補之不效戴人見之曰天癸已盡本不當下血蓋血得熱而流散非寒也夫女子血崩多因大悲哭悲甚則肺葉布心系為之恐血不禁而下崩內經曰陰虛陽搏之謂崩陰脉不足陽脉有餘數則內崩血乃下流舉世以虛損治之莫有知其非者可服火劑火劑者黃連解毒湯是也次以揀香附子二兩炒白芍藥二兩焙當歸一兩焙三味同為細末水調下又服檳榔丸不旬日而安儒門事親

月信退出為禽獸狀

婦人月信退出皆為禽獸之狀似來傷人先將綿塞陰戶只頓服後藥其法以沒藥一兩作丸散皆可服即愈

月經不行說

二七天癸至七七天癸竭行早性機巧行遲魯鈍通行則陰陽和合始能生子行年十四歲當時二十歲不行命如風燭朝不保暮有病發則死間有不死百中無一亦令一生多病未嘗一日安裕然有四季行亦可又有一年一次者亦不甚佳或一生不循正道而行者晚年有僻疾則難治

白帶

並危氏方

息城李左衙之妻病白帶如水窈漏中綿綿不絕臭穢之氣不可近而黃食減已三年矣諸醫皆云積冷起石硫黃薑附之藥重重燥補污水轉多常以柳日易數次或用一藥以木炭十觔置藥在鉗鍋中鹽泥封固三日三夜炭火不絕燒令通赤名曰火龍丹服至數升污水彌甚熯艾燒鍼三年之間不可勝數戴人斷之曰此帶濁水本熱乘太陽經其寒水不禁固故如此也夫水自高而趨下宜先絕其上源乃湧痰水二三升次日下污水十餘行三遍汗出過身至明且病人云汚已不下矣次用寒涼之劑服及半載產一子內經曰少腹冤熱洩出白液帶之為病溶溶然若在水中故治帶下同治濕熱瀉痢皆宜逐水利小

澁勿以赤爲熱白爲寒劉河間書中言之詳矣

帶病吐下治驗

戴人曰頓丘一婦人病帶下連綿不絕白物或來已三載矣命予脉之診其兩手脉俱滑大而有力得六七至常上熱口乾眩暈時嘔酢水予知其實有寒痰在胃中以瓜蒂散吐訖冷痰三二升皆酢水也間如黃涎狀如爛膠次以漿粥養其胃氣又次用導水禹功以瀉其下然後以淡劑滲泄之藥利其水道不數日而愈予實悟內經中所云上有病下取之下有病上取之又上者下之下者上之然有此法亦不可偏執更詳其虛實而用之

並儒門事親

赤白帶宜灸

王教授云有來覓赤白帶藥者予以鎮靈丹與之鎮靈丹能活血溫中故也以其神效故書于此但有孕不可服爾若灸帶脉穴尤奇於此丹也

資生經

白帶屬虛

白文舉正室白帶常漏久矣諸藥不效診得心胞尺脉微其白帶下流不止叔和云崩中日久爲白帶漏下時多骨水枯崩中者始病血崩久則血少復亡其陽故白滑之物下流不止是本經血海將枯津液復亡枯乾不能滋養筋骨以本部行經藥爲引用爲使以大辛甘油膩之藥潤其枯燥而滋益精液以大辛熱之氣味藥補其陽道生其血脉以苦寒之藥泄其肺而救上熱傷氣以人參補之以微苦溫之藥爲佐

而益元氣名曰補經固真湯秘藏

帶下眩暈

一老婦患赤白帶一年半只是頭眩坐立不久睡之則安專治帶除之其眩即止

帶下兼痛風

一婦人白帶兼病痛風半夏茯苓川芎陳皮甘草蒼

朮米泔酒洗晒乾炒南星牛膝酒洗煎服法

胎前門 附產難

求男論

建平孝王妃姬侍皆麗無子擇良家未笄女入御又無子問尚書褚澄曰求男有道乎澄對曰合男女必當其年男雖十六而精通必三十而娶女雖十四而

天癸至必二十而嫁皆欲陰陽完實然後交合則交而孕孕而育育而為子堅壯強壽今未笄之女天癸始至已近男色陰氣早泄未完而傷未實而動是以交而不孕孕而不育育而子脆不壽此王之所以無子也然婦人有所產皆女者有所產皆男者大王誠能訪求多男婦人媒至官府有男之道也王曰善未再暮生六男夫老陽遇少陰老陰遇少陽亦有子之道也褚氏遺書

受胎論

丹谿曰成胎以精血之後先分男女者褚澄之論愚切惑焉後閱李東垣之方有曰經水斷後一二日血海始淨精勝其血感者成男四五日後血脈已狂精

不勝血感者成女此確論也易曰乾道成男坤道成女夫乾坤陰陽之情性也左右陰陽之道路也男女陰陽之儀像也父精母血因感而會精之泄也陽之施也血能攝之陰之化也精成其骨此萬物資始於乾元也血成其胞此萬物資生於坤元也陰陽交媾胎孕乃凝所藏之處名曰子宮一系在下上有兩岐一達於左一達於右精勝其血則陽爲之主受氣於左子宮而男形成精不勝血則陰爲之主受氣於右子宮而女形成或曰分男分女吾知之矣男不可爲父女不可爲母與男女之兼形者又若何而分之耶余曰男不可爲父得陽氣之虧者也女不可爲母得陰氣之塞者也兼形者由陰爲駁氣所乘而成其類

不一以一女兼男形者有二一則遇男爲妻遇女爲夫一則可妻而不可夫又有下爲女體上具男之全形者此又駁之甚者或曰駁氣所乘獨見於陰而所乘之形又若是之不同耶予曰陰體虛駁氣易於乘也駁氣所乘陰陽相混無所爲主不可屬左不可屬右受氣於兩岐之間隨所得駁氣之輕重而成形故所兼之形有不可得而同也

餘論

### 胎自墮論

陽施陰化胎孕乃成血氣虛損不足榮養其胎自墮譬如枝枯則果落藤萎則花墜或勞恐傷情內火便起亦能墮胎譬如風撼其木人折其枝也火能消物造化自然病源乃謂風冷傷於子臟而墮此未得病



情者也予見賈氏婦但有孕至三箇月左右必墮其脉左手大而無力重則瀆知其血少也以其妙年只補中氣使血自榮時初夏教以濃煎白朮湯下黃芩末一錢與數十貼得保全而生因思之墮於內熱而虛者於理爲多曰熱曰虛當分輕重蓋孕至三月上屬相火所以易墮不然何以黃芩熟艾阿膠等爲安胎妙藥耶

見上

### 驗胎法

婦人經候三月驗胎用川芎生末空心濃湯調下一匙腹中微動是有胎

### 妊婦愛酸

懷孕愛物乃一臟之虛假如肝臟虛其肝氣止能養

胎無餘用也不能榮肝肝虛故愛酸物

### 論婦人服熱劑求子

肥盛婦人不能孕育者以其身中脂膜閉塞子宮而致經事不行可用導痰湯之類瘦怯婦人不能孕育者以子宮無血精氣不聚故也可用四物湯養血養陰等藥余姪女形氣俱實以得子之遲服神仙聚寶丹背上發癰疽證候甚危予診其脉散大而瀆急以加減四物湯百餘貼補其陰血幸其質厚易於收救質之薄者悔將何及

### 妊娠思水

丹溪之次女形瘦性急體本有熱懷孕三月當盛夏渴思水因與四物湯加黃芩陳皮生甘草木通數貼

而安其後得子二歲頓有痰瘧蓋孕中藥少胎毒未消若生瘡疥病自已已而果然並治法

### 論胎婦轉胞

丹溪曰轉胞病胎婦之稟受弱者憂悶多者性急躁者食味厚者大率有之古方皆用滑利疏導藥鮮有應效因思胞為胎所墮展在一邊胞系了戾不通耳胎若舉起懸在中央胞系得疏水道自行然胎之墜下必有其由一日吳宅寵人患此脉之兩手似瀉重取則弦然左手稍和予曰此得之憂患瀉為血少氣多弦為有飲血少則胞弱而不能自舉氣多有飲中焦不清而溢則胞之所避而就下故墜遂以四物湯加參朮半夏陳皮生甘草生薑空心飲隨以指探喉

中吐出藥汁俟少頃氣定又與一貼次早亦然如是與八貼而安此法未為的確恐偶中耳後又歷用數人亦效未知果何如耶仲景云婦人本肥盛自舉身滿全羸瘦自舉中空減胞系了戾亦致胞轉其義未詳必有能知之者論

### 轉胞小便閉

一婦人年四十歲懷妊九箇月轉胞小便不出三日矣下急脚腫不堪存活來告急丹溪往視之見其形悴脉之右澀而左稍和此必飽食而氣傷胎系弱不能自舉而下墜壓着膀胱轉在一偏氣急為其所閉所以水竅不能出也轉胞之病大率如此丹溪遂製一方補血養氣既正胎系自舉而不下墜方有安之

之理遂作人參當歸身尾真白芍藥白朮帶白陳皮  
炙甘草半夏生薑濃煎湯與四貼任其叫噉至次早  
天明盡以四貼藥滓作一服煎強令頓飲之探喉令  
吐出此藥湯小便立通皆黑水後遂以此方加大腹  
皮枳殼青葱葉縮砂仁與作廿貼服之以防產前產  
後之虛果得就蓐平安產後亦健

### 妊娠發癩

丹溪治一婦懷妊六月發癩手足揚直面紫黑色合  
眼涎出昏憤不省人事半時而省醫與鎮靈丹五十  
餘貼其疾時作時止並無減證直至臨產方自愈產  
一女蓐中子母皆安次年其夫疑其丹毒必發求診  
治浮取弦重取濇按至骨則沉實帶數時正二月因

未見癩發證狀未敢與藥意其舊年癩發時乃是五  
月欲待其時度此疾必作當諦審施治至五月半後  
其疾果作皆是巳午兩時遂教以防風通聖散自製  
生用甘草中加桃仁多紅花少或服或吐至四劑疾  
漸疏而輕發爲疥而愈

### 懷胎惡阻

一婦人年近三十懷孕兩月病嘔吐頭眩自覺不可  
禁持以人參白朮川芎陳皮茯苓之藥五七日愈覺  
沉重召丹溪脉之脉弦左爲甚而且弱丹溪曰此是  
惡阻病必怒氣所激問之果然肝氣旣逆又挾胎氣  
參朮之補大非所宜教以只用茯苓湯下抑青丸二  
十四粒五貼自覺稍安診其脉畧有數狀自言口乾

苦稍食些少粥則口酸丹溪以爲膈間滯氣未盡行  
教以川芎陳皮山梔生薑茯苓煎湯下抑青丸十五  
粒十餘貼餘證皆平食及常時之半食後覺易饑丹  
溪謂肝熱未平又以白湯下抑青丸二十九至二十  
貼而安丹溪後因過其家又脉之見其脉兩手雖平  
和而左手弱甚此胎必墮此時肝氣既平參朮可用  
矣遂以始之參朮等兼補之預防墮胎已後之虛服  
之一月其胎自墮却得平穩無事

並醫案

### 落胎後厥逆

婦人墮胎後手足厥逆鍼肩井立愈

銅人經

### 應鍼落孕

昔宋太子性善醫畫出苑見一有孕婦人太子自爲

診之是一女今徐文伯亦診之乃一男一女太子性  
急欲剖腹視之文伯曰請鍼之令落於是瀉足三陰  
交補手陽明合谷胎應鍼而落果如文伯之言

南史

### 子腫

元豐中淮南陳景初名醫也獨有方論治妊婦子腫  
病其方初謂之香附散亦伯時易名曰天仙藤散王  
荆公居金陵舉家病以訖贈景初曰舉族貧兼病煩  
君藥石功到家何所寄一一問征鴻因此見方得於  
李伯時家傳方錄於臨川張右丞宅

### 子懸

丁未六月間羅新恩孺人黃氏有孕七箇月遠出而  
歸忽然胎上衝心而痛坐臥不安兩醫治之無效遂

說胎已死矣用草麻子去皮研爛加麝香調貼臍中  
以下之命在垂垂召臨川陳良甫診視兩尺脈沉絕  
他脈平和良甫問二醫者曰契兄作何證治之答曰  
死胎也何以知之答云兩尺脈絕以此知之良甫問  
之曰此說出在何經二醫無答遂問良甫曰門下作  
何證治之良甫答曰此子懸也若是胎死却有辨處  
夫面赤舌青者子死母活面青舌赤吐沫者母死子  
活唇口俱青者母子俱死是其驗也今面色不赤舌  
色不青其子未死其證不安衝心而痛是胎上逼心  
謂之子懸宜服紫蘇飲子治藥十服而胎近下矣

### 察色驗子死

繆宅厥息孺人杜氏生產不下坐婆魂童救療皆無  
效召僕診之僕曰產前脈不可考但當察色而知之  
遂揭帳明燭以察之其面色赤舌色青見此色者知  
胎已死母却無憂矣或問曰何以知之予答曰面赤  
舌青者子死母活明矣躬自合至寶丹二粒服之胎  
卽落矣以此見古人處方神速

### 姪婦瘧疾

僕嘗治一姪婦六七箇月而病瘧疾先寒後熱六脈  
浮緊衆醫用柴胡桂枝無效僕言此疾非常山不愈  
衆醫不肯因循數日病甚無計屢勉聽僕治之遂用  
七寶散一服愈

### 姪娘臟燥悲傷

鄉先生鄭虎卿內人黃氏姪娘四五箇月遇晝則慘

憾悲傷淚下數欠如有所憑醫與巫者兼治皆無益  
陳良甫時年十四正在齋中習業見說此證而虎卿  
皇皇無計良甫遂告之管先生伯同說先人曾說此  
證名曰臍燥悲傷非大棗湯不愈虎卿借方看之甚  
喜對證笑而治藥一投而愈矣

並良方

### 孕婦便結

戴人過東杞一婦人病大便燥結小便淋瀝半生不  
娠惟常服疏導之藥則大便通利暫廢藥則結滯忽  
得孕至四五月間醫者禁疏導之藥大便依常爲難  
臨圍則力努爲之胎墜凡如此胎墜者三又孕已經  
三四月弦望前後溲溺結澀甘分胎殞乃訪戴人戴  
人診其兩手脉俱滑大脉雖滑大以其且妊不敢陡

攻遂以食療之用花減煮菠菱葵菜以車前子苗作  
茹雜猪羊血作羹食之半載居然生子其婦燥病方  
愈戴人曰余屢見孕婦利膿血下迫極努損胎但同  
前法治之愈者莫知其數也爲醫拘常禁不能變通  
非醫也柰舉世識醫者鮮是難說也

### 妊娠下血

劉先生妻有娠半年因傷損腰痛下血乞藥於戴人  
戴人授之以三和湯一名玉燭散承氣湯四物湯對  
停加朴硝煎之下數行痛如拉枯下血亦止此法可  
與智識高明者言膏梁之家慎勿舉似非徒駭之抑  
又謗之嗚呼正道難行正法難用古今皆然

### 孕作病治

一婦人年四十餘得孕自以爲年衰多病故疾復作以告醫氏醫者不察加燔鍼於臍兩旁又以毒藥攻磨轉轉腹痛食減形羸已在牀枕來問戴人戴人診其脉曰六脉皆平惟右尺洪大有力此孕脉也兼擇食爲孕無疑左右皆笑之不數月生一女子兩目下各有燔鍼痕幾喪其明凡治病婦當先問娠不可倉卒

是胎非積

鬻王之妻病臍下積塊嘔食面黃肌瘦而不月或謂之乾血氣治之無效戴人見之曰孕也其人不信再三求治于戴人與之平藥以應其意終不肯下毒藥後月到果胎也人問何以別之戴人曰尺脉洪大也

素問陰陽別論所謂陰搏陽別之脉

並儒門事親

孕婦有病毒之無損

東垣曰一婦人重身五六月冬至日因祭祀而哭慟口吸風寒忽病心痛不可忍渾身冷氣欲絕求治於予料之曰此乃客寒犯胃故胃脘當心而痛急與麻黃草荳蔻半夏乾生薑炙甘草益智仁之類治之或曰半夏有小毒重身婦人服之可乎予曰不可或曰不可而用之何如予曰乃有故而用也故麻黃半夏生薑之辛熱以散風寒尚不能收全功何暇損胎乎內經曰婦人重身毒之何如岐伯曰有故無殞亦無殞也大積大聚其可犯也衰其大半而止過則死矣投之病良愈而胎亦無殞

腎中伏火得子致夭

李和叔問東垣先生曰予中年以來得一子至一歲後身生紅絲瘤不救後三四子至一二歲皆病癩而死何緣至此翌日思之謂曰汝乃腎中伏火精氣中多有紅絲以氣相傳生子故有此疾俗名胎癩是也汝試視之果如其言遂以滋腎丸數服以瀉腎中火邪補真陰不足忌酒辛熱之物其妻與六味地黃丸以養陰血受胎五月後以黃芩白朮二味作散啖五七服後生子至三歲前證不復作今已年壯

並試效方

胎死喘迫

帥府經歷哈散侍人病喘不得臥老醫製麻黃之劑以散其肺邪滄洲翁呂元膺後至診之脉口盛人迎

一倍厥陰弦動而疾兩尺俱短而離經因告之曰病蓋得之毒藥動血以致胎死不下奔迫而上衝非風寒作喘也乃用催生湯倍芎歸煮二三升服之夜半果下一死兒喘止哈散密囑曰病妾誠有懷以室人見嫉故藥去之衆人所不知也老醫聞之慚而去

山房集

妊娠下利

三寶廉使仲子之妻秦不花尚書妹也病滯下晝夜五七十起後重下迫且娠九月衆醫率爲清暑散滯痛苦尤甚滑伯仁且至診視曰須下去滯衆以娠不肯伯仁曰素問有云有故無殞亦無殞也動卽正產乃以消滯導氣丸藥進之得順利再進滯去繼以清



暑利溲苦堅之劑病愈而孕果不動足月乃產

### 妊婦痰嗽

尹安卿妻姪五月病欬痰氣逆惡寒咽膈不利不嗜食者浹旬招滑伯仁診視其脉浮弦形體清羸伯仁曰此上受風寒也越人云形寒飲冷則傷肺投以辛溫之劑與之致津液開腠理散風寒而嗽自安

並白雲集

### 難產論

丹溪曰世之難產者往往見於鬱悶安逸之人富貴奉養之家若貧賤辛苦者無有也方書止有瘦胎飲一論而其方爲湖陽公主而作也實非極至之言何者見有此方其難自若予族妹苦於難產後遇胎孕則觸而去之予甚憫焉視其形肥而勤於女工構思

旬日忽自悟曰此正與湖陽公主相反彼奉養之人其氣必實耗其氣使和平故易產今形肥知其氣虛久坐知其不運而其氣愈弱兒在胞胎因母氣不能自運耳當補其母之氣則兒健而易產令其有孕至五六箇月來報遂於大全良方紫蘇飲加補氣藥與十數貼因得男而甚快後遂以此方隨母之形色性稟參以時令加減與之無不應者因名其方曰達生散云

餘論

### 氣結難產

曾有一婦人累日產不下服催生藥不驗許學士曰此必坐草太早心懷一點懼氣結而不行然非順不順也素問云恐則氣下蓋恐則精却却則上焦閉閉

則氣還還則下焦脹氣乃不行矣得紫蘇飲一服便

產方本專

### 盤腸產

趙都運恭人每臨產則子腸先出然後產子產子之後其腸不收甚以為苦名曰盤腸產醫不能療偶在建昌得一坐婆施一法而收之其法遇產後子腸不收之時以醋半盞新汲冷水七分碗調停喫產婦面每一喫一縮三喫收盡此良法也後學不可不知良方按危氏云俗用冷水喫產母面其腸自收此法虛弱之人切不可用恐驚怯成病或即脫絕舊法以草麻子四十九粒研爛塗腦頂自然收上如收上即以水洗去頂上草麻又有久而其腸為風吹乾

不能收者以磨刀水少許火上溫過以潤其腸煎好磁石湯一盃令產母服其腸自收矣

### 腹中兒啼

兒在腹中哭用多年空屋下鼠穴中土一塊令產母嚼之即止又方川黃連濃煎汁母呷之

### 催生方

產婦坐草時取路傍舊草鞋一隻用鼻絡小耳繩燒灰溫酒調服如得左足者男右足者女覆者兒死側者有驚自然理也似非切要之藥催生極驗並得效方

### 產後門

### 胞衣不下

陳良甫云有一親戚婦人產後胞衣不下血脹迷悶

不記人事告之曰死矣僕曰某收得趙大觀文局中  
真花蓋石散在笥中謾以一貼贈之以童便調灌藥  
下卽甦胞衣與惡物旋卽隨下乘興無恙

### 產後譫語

五羊洪運使天錫子舍孺人產後語言顛倒譫語不  
已如有神靈服諸藥無效召余診之六脉和平僕以  
奪命散兩服而愈並良方

### 產後昏沉爲火所逼

許學士云記一婦人產後護密閣內更生火睡久及  
醒則昏昏如醉不省人事其家驚惶許用荆芥佐以  
交加散云服之卽睡睡中必以左手搔頭覺必醒矣  
方本事

### 產後暴卒

有貴人內子產後暴卒急呼其母爲辦後事母至爲  
灸會陰及三陰交各數壯而蘇母蓋名醫女也

### 血暈

產後血暈寒熱往來或血搶心惡疾也予閱食療本  
草見有用鹿角燒爲末酒調服日夜數服驗者偶家  
有婦人患此令服此神效因教他人婦服皆驗但以  
產後未可飲酒以童子小便調服爾最忌服利藥並資

經生

### 產前病喘產後血逆

武安胡產之妻臨月病喘以涼膈散二兩四物湯二  
兩朴硝一兩分作二服煎令冷服之一服病減太半

次又服之病全效既產之後第六日血迷又用涼膈散二兩四物湯三兩朴硝一兩都作一服大下紫黑水其人至今肥健戴人常曰孕婦有病當十月九月朴硝無礙八月者當忌之七月却無妨謂陽月也十月者已成形矣儒門事親

產後發熱用藥可否論

丹溪云產後大發熱必用乾薑輕用茯苓淡滲其熱一應苦寒發表之藥皆不可用產後纔見身大熱不可發表或曰大熱而用乾薑何也曰此熱非有餘之邪乃陰虛生內熱耳故以補陰藥大劑補之而乾薑能入肺利肺氣入氣分引血藥生血然不可獨用必與補陰藥同用此造化自然之妙非天下之至神其孰能與于此

產後大便泄小便閉

一婦人年十八難產七日後產大便洩口渴氣喘面紅有紫班小腹痛小便不通用牛膝桃仁當歸紅花木通滑石甘草白朮陳皮茯苓煎湯調益母膏不減後以杜牛膝煎濃膏一椀飲之至一更許大利下血一椀小便通而愈

產後中風禁作風治

產後中風切不可作風治而用小續命湯必須大補氣血然後治痰當以左右手脉分其氣血多少治之

產後慎用黑神散并肉食

至哉坤元萬物資生理之常也初產之婦好血未必

虧汚血未必積臟腑未必寒何以藥爲起居勤加調護何病之有或他有病當求起病之因在何經氣病治氣血病治血何局方不審而製黑神散之方哉予每見產婦之無疾者必教以却去黑神散與夫雞子火鹽諸般肉食且與白粥調理間以此少石首魚煮令甘淡食之至一月後方與少肉雞子亦須豁開煮之大能養胃却疾

### 產後治法

產後當大補氣血雖有雜證以末治之及一切病不可發表或發熱惡寒皆是血氣虛病左手脉不足補血藥多於補氣藥右手脉不足補氣藥多於補血藥又曰惡寒發熱腹痛者當去惡血產後如用四物湯不可用白芍藥以其酸寒伐生發之氣故也如壯盛者亦可用之

### 兒枕痛

治婦人兒枕痛濃煎糖毬子入沙糖調服立效

### 下死胎及胞衣

下死胎及生子後胞衣未下麝香半錢官桂末三錢溫酒調下須臾如手推出並心法

### 子宮不收

一婦人產後有物不上如衣裾醫不能喻丹溪曰子宮也氣血虛故隨子而下卽與黃芪當歸之劑而加升麻舉之仍用皮工之法以五倍子作湯洗濯皴其皮少頃子宮上丹溪慰之曰三年後可再生兒無憂

也如之

九靈山房集

### 產前受濕產後發搐

盛婦人年三十餘正月間新產左腿右手發搐氣喘不得眠口鼻面部黑氣起診其脉浮弦而沉瀦右手爲甚予意其脾受濕證遂問懷胎時曾大渴思水否彼云懷胎三箇月時嘗喜羨湯茶水遂以黃芩荆芥木香滑石白朮檳榔陳皮蒼朮甘草芍藥至四服後加桃仁又四服後漉漉有聲臟腑大下視之皆如水晶塊大者如雞子黃小者如科斗數十枚遂搐定喘止遂於前藥中去荆芥檳榔滑石加當歸身茯苓與調理血脉服至十貼遂安

### 分娩暈厥

一婦人年三十餘面白形長心中常有不平事忽半夜誕子纔分娩便暈厥不知人遂急於氣海灼火十五壯而蘇後與參朮等藥兩月而安

並醫案

### 新產熱入血室

胡茂林子婦魏仲彬妹也新產二日惡露不行臍腹痛頭疼身寒熱當隆冬時衆醫皆以感寒溫以薑附益大熱手足搐搦語謔日竄仲彬固邀滑伯仁往診脉弦而洪數面赤目閉語喃喃不可辯舌黑如烙燥無津潤胃腹按之不勝手蓋燥劑搏其血內熱而風生血蓄而爲痛也伯仁曰此產後熱入血室因而生風卽先爲清熱降火治風涼血兩服頗爽繼以琥珀牛黃等稍解人事後以張從正三和散行血破瘀三

四服惡露大下如初時產已十日矣於是諸證悉除  
白雲集

### 收產傷胎戒

一孕婦年二十餘臨產召穩媪三人其二媪極拽婦之臂其一媪頭抵婦之腹更以兩手扳其腰極力爲之胎死于腹良久乃下兒亦如血乃穩媪殺之也豈知瓜熟自落何必如此乎其婦因茲經脈斷閉腹如刀刺大渴不止小溲閉絕主病者禁水不與飲口舌枯燥牙齒齩黑臭不可聞食飲不下昏憤欲死戴人先以冰雪水恣意飲之約二升許痛緩渴止次以舟車丸通經散前後五六服下數十行食大進仍以桂苓甘露散六一散柴胡飲子等調之半月獲安

又

一婦臨產召村媪數人侍焉先產一臂出媪不測輕重拽之臂爲之斷子死於腹其母面青身冷汗熱熱不絕時微喘嗚呼病家甘於死忽有人曰張戴人有奇見試問之戴人曰命在須臾鍼藥無及急取秤鈎續以壯繩以膏塗其鈎令其母分兩足向外偃坐左右各一人腳上立足次以鈎其死胎命一壯力婦倒身拽出死胎下敗血五七升其母昏困不省待少頃以冰水灌之漸甦二日大醒食進次用四物湯調血數日方愈戴人常曰產後無他事因侍媪非其人轉爲害耳

並儒門事親

收生損尿胞患淋瀝

丹溪曰嘗見尿胞因收生者不謹以致破損而得淋瀝病遂為廢疾一日有徐姓婦壯年得此因思肌骨破傷在外者且可補完胞雖在腹恐亦可治遂診其脉虛甚曰難產之由多是氣虛難產之後血氣尤虛試以峻補因以參朮為君芎歸為臣桃仁陳皮黃芪茯苓為佐而煎以猪羊胞中湯極饑時飲之但劑率用一兩至一月而安蓋是氣血驟長其胞自完恐稍遲緩亦難成功

餘論

### 赤小荳下乳汁

余荆布因產前食素得疾羸弱產後乳脉不行已七十日服諸藥無效嬰兒甚苦偶有人送赤荳一斗遂如常煮赤荳粥食之當夜乳脉通行因閱本草赤小

荳能通妳乳謾載之良方



臣



IV